



DREJTORIA E PËRGJITHSHME E PRONËSISË INDUSTRIALE

**DREJTORIA E PËRGJITHSHME
E PRONËSISË INDUSTRIALE
(DPPI)**



**FAKULTETI I DREJTËSISË
UNIVERSITETI I TIRANËS
(FDUT)**

Nr. 180 Prot., datë 09.05.2024

Nr. 441 Prot., datë 09.05.2024

MARRËVESHJE BASHKËPUNIMI

NDËRMJET:

**DREJTORISË SË PËRGJITHSHME TË PRONËSISË INDUSTRIALE
(DPPI)**

DHE

**FAKULTETIT TË DREJTËSISË
UNIVERSTITETI I TIRANËS**

(FDUT)

Kjo Marrëveshje Bashkëpunimi lidhet ndërmjet:

DREJTORISË SË PËRGJITHSHME TË PRONËSISË INDUSTRIALE

e njohur më poshtë si “**DPPI**”

DPPI është institucioni i vetëm përgjegjës për regjistrimin, administrimin dhe promovimin e të drejtave të Pronësisë Industriale në Republikën e Shqipërisë, detyrim që i buron nga Kushtetuta e Republikës së Shqipërisë, nga ligji organik nr. 9947, datë 07.07.2008 “Për pronësinë industriale” i ndryshuar, neni 189, si dhe nga dokumente strategjikë si: Marrëveshja e Asocim- Stabilizimit në nenin 73 të saj, “Pronësia Intelektuale”.

DPPI funksionon në formën e një agjencie autonome, nën mbikëqyrjen e ministrit përgjegjës për ekonominë, pranë ministrisë së Ekonomisë, Kulturës dhe Inovacionit (MEKI).

Adresa e institucionit është: Bulevardi “Zhan D’Ark”, Shtëpia e Ushtarakëve, Prona Nr. 33, Tiranë, Shqipëri, përfaqësuar nga titullari:

Znj. Rovena Beqiraj – Drektor i Përgjithshëm

DHE

FAKULTETIT TË DREJTËSISË UNIVERSITETI I TIRANËS

i njohur më poshtë si “**FDUT**”,

Adresa e institucionit është: Rruga Milto Tutulani, Tiranë, Shqipëri, përfaqësuar nga titullari:

Prof. Asoc. Dr. Dorina Hoxha - Dekan

Neni 1

Rëndësia e Bashkëpunimit

Duke patur parasysh se:

1. Pronësia Industriale është një shtyllë e rëndësishme për ngritjen dhe zhvillimin e një veprimtarie të qëndrueshme ekonomike.
2. Ekziston një nevojë imediate për mbështetjen ligjore dhe institucionale të pronësisë industriale, me qëllim mbrojtjen e subjekteve të kësaj pronësie .
3. Palët janë të interesuara të promovojnë dhe të përmblushin objektivat e përgjithshme për mbrojtjen e pronësisë industriale, si dhe të drejtave të Institucioneve të Arsimit të Lartë që angazhohen në këto veprimtari.
4. Palët shprehin dakordësinë mbi rëndësinë e ndërgjegjësimit publik mbi pronësinë industriale, përsa i përket kontributit të rëndësishëm të Institucionit të Arsimit të Lartë në zhvillimin edukativ arsimor të Republikës së Shqipërisë.

Palët bien dakord të nënshkruajnë këtë Marrëveshje Bashkëpunimi, sipas modaliteteve të mëposhtme:

Neni 2

Qëllimi i Bashkëpunimit

1. Informimi dhe sensibilizimi i studentëve dhe i rretheve të tyre sociale, duke iu vënë në dispozicion dispozitat ligjore mbi pronësinë industriale.
2. Promovimi i pronësisë industriale nëpërmjet shkëmbimit të informacionit midis dy institucioneve tona.
3. Identifikimi i masave të mbrojtjes së pronësisë industriale.

Neni 3

Objektivat e Marrëveshjes

Objektivi kryesor i Marrëveshjes, është të lehtësojë njohjen e konceptit të pronësisë industriale nëpërmjet:

1. Identifikimit të mekanizmave të shpërndarjes së informacionit në lidhje me pronësinë industriale, ku në bashkëpunim me studentët t'i përçohet informacioni dhe njohuria përdoruesve të tjera të pronësisë industriale;
2. Shpërndarjes së materialeve informuese;
3. Trajnimit të studentëve mbi rëndësinë e pronësisë industriale;
4. Organizimit të konferencave të përbashkëta, trajnimeve brenda vendit, internshipeve, leksioneve të hapura, seminareve, sesione bisedimesh (workshops), praktikave mësimore apo takimeve, dhënien e njohurive praktike nga specialistët e DPPI-së, përsa i përket pronësisë industriale;
5. Shkëmbimin e ndërsjelltë të informacionit në lidhje me funksionin dhe kontributin e FDUT në zhvillimin, zgjerimin dhe sensibilizimin e opinionit publik.

Neni 4

Modalitetet e Bashkëpunimit

1. Secila palë do të caktojë një koordinator të Marrëveshjes, përgjegjës për zbatimin e saj; konkretisht nga ana e FDUT do të jetë Dr. Etlon Peppo dhe nga DPPI, do tw jetw Znj. Sonila Meka, Pwrgjegjws i Sektorit tw Koordinimit, Analizws dhe Raportimeve.
2. Ngritja e një grupi të përbashkët pune, për konkretizimin e bashkëpunimit me veprimtari të ndryshme.
3. Organizimi dhe vënia në dispozicion për publikun e gjërë, të informacionit dhe rezultateve të çdo veprimi të përbashkët, nëpërmjet medias së shkruar dhe asaj vizive.
4. Grupet e përbashkëta do të përpunojnë mënyrat dhe veprimet e përbashkëta, për përbushjen e qëllimit të kësaj Marrëveshjeje.

Neni 5

Afati i Marrëveshjes

Kjo marrëveshje lidhet për një afat të pacaktuar. Përmbajtja e kësaj marrëveshjeje, mund të ndryshojë me pëlqimin me shkrim të të dyja palëve.

Kjo marrëveshje, mund të shfuqizohet me kërkesën e njërsës palë, pas njoftimit paraprak me shkrim, të paktën 30 (tridhjetë) ditë përpara, që parashtron edhe arsyet e prishjes së kësaj marrëveshjeje.

Neni 6

Nënshkrimi dhe Hyrja në fuqi

Kjo Marrëveshje Bashkëpunimi nënshkruhet sot në Tiranë më datë **09/05/2024** në 2 (dy) kopje origjinale me vlerë të njëjtë, një për secilën palë dhe hyn në fuqi në momentin e nënshkrimit nga të dyja palët.

Për:

**DREJTORINË E PËRGJITHSHME
TË PRONËSISË INDUSTRIALE
(DPPI)**

Znj. Rovena Beqiraj

Drejtor i Përgjithshëm



Për:

**FAKULTETIN E DREJTËSISË
UNIVERSITETI I TIRANËS
(FDUT)**

Prof. Asoc. Dr. Dorina Hoxha

Dekani

